

Supervizor Berton odbacio zahtjev za suglasnost za održavanje referenduma u Distriktu Brčko



Supervizor za Distrikt Brčko, Bruce G. Berton, odgovorio je danas na pismo gradonačelnika Brčkog, Ante Domića, kojim se tražila suglasnost supervizora za održavanje referenduma RS na teritoriju Brčko Distrikta BiH za građane koji imaju državljanstvo Republike Srpske.

„Visoki predstavnik je jasno rekao da je odluka o održavanju referenduma u vezi s danom RS neustavna i da je protivna odluci Ustavnog suda BiH. Ja sam stoga odlučio da ne dam svoju suglasnost za održavanje referenduma RS na teritoriju Distrikta Brčko,“ izjavio je supervizor Berton u odgovoru gradonačelniku Brčkog Domiću.

Nalog supervizora donesen 2007. godine propisuje da se referendumima na teritoriju Distrikta Brčko mogu održavati isključivo uz prethodnu suglasnost supervizora za Brčko Distrikt u pisanoj formi, te da se provode isključivo pod uvjetima koje odobri supervizor za Brčko Distrikt. Cilj ove mjere je da se osigura da su referendumima koji se održavaju u Distriktu sukladni domaćim i međunarodnim zakonima, a posebice Općem okvirnom sporazumu za mir u Bosni i Hercegovini.